

DISSERTATIO INAUGURALIS MEDICA
DE

TUMORE OEDE- MATOSO PODA- GRICO,

QVAM

RECTORE MAGNIFICENTISSIMO,
SERENISSIMO PRINCIPE AC DOMINO,

DN. FRIDERICO WILHELMO,

PRINCIPE BORUSSIÆ, MARCHIONE BRAN-
DENBURGICO, RELIQUA,

IN ACADEMIA FRIDERICIANA,

GRATIOSISSIMO FACULTATIS MEDICÆ CONSENSU

PRÆSIDE

DN. GEORGIO ERNESTO STAHL,

CONSIL. AUL. ET ARCHIAT. REG. MED. ET RERUM NATU-
RALIUM PROFESSORE PUBL. ORDIN. ACAD. NAT. CUR. COLLEGA LON-
GE DIGNISSIMO, DECANO h. t. SPECTATISSIMO,

DOMINO PATRONO, PRÆCEPTORE AC PROMOTORE SUO
omni Observantia atque Honoris cultu atatem colendo,

PRO GRADU DOCTORALI,

Summisque in Arte Medica Honoribus, Insignibus ac Privilegiis
More Majorum Solenni obtinendis,

Ad d. Mart. M DCC XIII, horis ante & pomeridianis

IN AUDITORIO MAJORI

Publico Eruditorum Examini submittit,

GEORG. SIGISM. Liebezeit

SOPRONIENSIS HUNG.

HALÆ MAGDEBURGICÆ,

Typis CHRISTIANI HENCKELII, Acad. Typogr.

DO NOT WRITE IN THESE SPACES

BALTIMORE ORDER

MATTHEW L. O'DAY

CHICAGO

THE CHICAGO TRIBUNE
PUBLISHED DAILY
EXCEPT SUNDAYS AND HOLIDAYS

DE: FRANKLIN W. BELL
PUBLISHED BY THE CHICAGO TRIBUNE
151 N. LAKE ST. CHICAGO, ILL.

Subscription Office
151 N. LAKE ST. CHICAGO, ILL.

TERMS: Five Cents Per Copy
In Advance for Six Months \$2.50
For One Year \$4.50

ADVERTISING RATES: One Cent Per Line Per Day
For Special Advertising See Separate Sheet

Entered as Second-Class Matter, May 26, 1879
Post Office at Chicago, Ill., May 26, 1879
Acceptance for mailing at special rate of postage provided for in Act of October 3, 1917
Authorized Agent, J. J. Connelley, 151 N. Lake St., Chicago, Ill.

NOT A POSTAL PERMIT

Postage paid at Chicago, Ill.
Postmaster: J. J. Connelley

CHICAGO TRIBUNE

151 N. LAKE ST. CHICAGO, ILL.

Telephone: 444-4444
Cable: 444-4444



PROOEMIUM.



Ti rectè, & planè peritè, monet Philosophus, multa quidem, inquit, egisse Majores nostros, sed non peregisse; Et planè scitè illi suffragatur Hippocrates, quod illi imprimis rectè agere sibi videantur, qui aliquid

eorum reperire, adinvenire, & enucleare valeant, quæ præstet, & ex usu sit, scire potius, quam nescire; Ita minimè improbari poterit, ab ullò, communis inopiæ peritè gnaro, si vel planè ab Antecessoribus intacta, vel ad minimum, neque loco satis conveniente, neque digna ἀνεύρεσις à majoribus nostris, sive notata, sive evoluta atque pertractata, magis magisque clariori luci exponantur & ad debitos usus dirigantur; Quis autem, nisi satis imperitus, ignorat, quod multa omninò, quæ ab Hippocrate, ab ipsis etiam Antecessoribus ejus ad ipsum transmissa, ad veram morborum historiam pertinentia, nervosè quidem, sed & breviter, & minimè ita rarò, minus proprio loco, ab ipso memorata, à ple-

risque ejus successoribus , commentariis magis tacta solum , & verbis potius amplificata , quam ipsa re penitus enucleata , & pro verâ suâ dignitate perfectâ sint. Unde etiam studium illud , in se minimè contemnendum , omnia conquirendi , quæ Hippocrates , ad unam eandemque rem pertinentia , diversis locis & occasionibus , protulit , minimè tamen adhuc undique satisfecit , ad quoslibet hic relictos defectus & difficultates tollendum. Tantò magis cum Hippocrates in historia potius tradenda , quam causis perspiciendis , certè operosior passim , nescias an felicior undique fuerit ; Galenus autem , tanquam hunc defectum suppleturus , alibi quidem in causis reddendis justò prolixior , alibi verò , nisi mavis communiter , in harum declaratione generalior , nonnunquam etiam revera alienior fuisse , attentâ pensitatione satis luculenter deprehendatur. Quæ ipsa verò solida causarum evolutio , cum anima propemodùm sit , justæ scientificè artificiosæ Therapiæ , mirum esse non potest , si tota ferè ejus posteritas , vestigiis his pressius inhærens , & propemodùm nihil aliud agens quam effata ejus , tanquam suffragia absoluta , repetens atq; colligens , nihil amplius assecuta est , quam ut totam rem eo loco , ubi illam invenerat , relinqueret. Quæ certè res cuilibet , per propriam experientiam atq; observationem veræ morborum historiæ , sive universim , sive seorsim , compoti , jus æquum tradere videtur , ut potius rem ipsam , ut in se est , repræsentare ipsi liceat , quam necesse sit , ut vel antiquiorum illorum , vel quorumlibet tandem propinquiorum , testimonia & suffragia anxie conquirat , & nihil eorum prætermittat , quæ à talibus jam antè in eam rem dicta aut prolata fuerunt.

Quam-

Quamvis enim hoc etiam studium nequaquam impro-
bamus, imò potius laude suâ dignum agnoscamus;
Tamen, cum non cujus libet otium permittat, ut ope-
ræ huic rectè vacet; (imprimis cum etiam ille malus
mos, præsertim inter germanos literatos, valdè inva-
luerit, ut non solum inscitiae, sed vel planè injuriæ,
reum agere non erubescant, siquis huic instituto ma-
num admoveere aggressus, aliquem unum allegare præ-
termittat) consultius propemodum, quolibet intuitu,
videtur laudatæ illi viæ insistere, & philosophicum illud
antiquum sequi, ubi ipsarum rerum testimonia adsunt,
non opus sit verbis & verbalibus suffragiis. Certè e-
nim, si res ipsa vera sit, quisquis de illâ sive rectè scri-
psit, sive expertus sensit, testis ita erit, licet non cita-
tus aut productus; & subindè etiam minus invidiosum
erit, non monstrâsse paucitate testium, aut allegatio-
ne alienioris tractationis atque mentionis, quasi tacitè
ostendisse, quam parum ad animum adhuc revocatæ
sint res aliquando etiam non exigui momenti. Non
frustrà verò præmittimus excusationem hanc, præsentì
nostro instituto; cum certè ingenuè fateamur, non es-
se nobis cognitum, à quo res, quam nobis sumimus
memorandam, satis exquisitè, pro dignitate suâ, no-
tata jamdum atque ostensa sit. Quod ipsum tamen, si
factum etiam esset, nihil prohibet, quò minùs nos quo-
que, eandem rem, imprimis SPECIMINIS INAUGU-
RALIS loco atque themate, nobis sumendi, æquum
jus habeamus. Est autem subjectum, in quo nostra
Dissertatio occupabitur, TUMOR OEDEMATO-
SUS PODAGRICUS, ejusque diversitas, à simplicio-
ribus, aut magis directis, ejusmodi tumoribus hydro-
picis.

Cui nostro cœpto ut Divina benedictio clementissimè adspiret est quod humillimis precibus ab illâ exoramus.

§. I.



EDEMA, sicut imprimis ab ipso *Hippocrate*, tum etiam plerisque *Græcis*, ita *univoce* adhibetur notationi *tumorum* propemodum quorumlibet, ut sola ferè experientia *restrictionem* ejus, ad certam tumorum *speciem*, Latinis imprimis suasisse videatur; sicuti germanis nostris distinctio usu recepta est, ipsis etiam antiquioribus non insolita: *der hixigen und kalten Geschwulst*; Ita satis esse potest, uno verbo indicasse, quod præsentem quoque loco, aliquanto pressius sequamur usu receptam hanc acceptionem, ut de *strictius* dicto *œdematoso* tumore & inflatione, præter ea, quæ paulò post adjicienda veniunt, loqui, intelligi velimus.

§. II.

Illud autem propius ad rem nostram pertinet, quod pro omni *homonymia* tempestivè præoccupanda, *strictiore* sensu dictum *œdema*, inter reliqua indolis suæ testimonia, etiam *sensus* cujusvis *exquisitioris absentiam*, comprehendat. Quæ vero circumstantia, cum in *podagricis* tumoribus, non solum non semper observetur; sed & potius, longe frequentius, contrario modo sese exerat: facit propterea hæc diversitas, jam velut ab ipso limine, præjudicium aliquod, nempe differentiam *podagricorum* tumorum, à *simplicioribus*, strictioris acceptionis *œdematibus*.

§. III.

Præterea, cum *strictè* dictum *œdema*, longè communius & familiarius, totum aliquem tractum corporis *σύνολον* occupare soleat, imprimis *utrumque pedem*; Abit ab hoc in diversum etiam *podagricus* tumor, in eo, quod, licet

licet non valdè rarò etiam *utrumque pedem* occupet, satis tamen sæpè *alterutri* solum incumbat, aut ad minimum *unus plus*, quam alteri.

§. IV.

Porro, cum *simplex* œdema strictioris acceptionis, *pallidum* potius, quam *coloratum* sese sistat; Evenit subinde hic etiam diversum in *podagrico* tumore, utpote qui, licet non absolute, tamen satis frequenter, plus minus *ruboris* conjunctum habet.

§. V.

Denique vero, subest etiam illa inter *simplicem* œdematosum, & *podagricum* talem, tumorem, differentia, quod prior longè *perinacius* atque durabilius obsidere soleat membra, quæ semel occupavit; aut certè, si v. g. per noctes velut evanescat, per diem tamen revertatur, idque constanter ita prosequatur; *Podagricus* tamen, imprimis *sibi relictus*, & nulla incommodiore tractatione interpellatus, magis per modum *paroxysmorum* quorundam, vel lenius iterum dissolvatur, & alio tempore denuo consurgat; vel ad minimum, per tales tanquam paroxysmos, alio tempore *auctior* revertatur, & iterum a sensibili illo augmento aliquid *remittat*. Cui adhuc etiam illud addi potest, quod familiarius, quando ita exacerbatus est, per aliquod tempus *constantius* illum gradum servet; neque tam facilè, ut *simplicius*, imprimis *recentius* adhuc œdema per noctes eximie subsideat, & per dies solum increbescat,

§. VI.

Ex his, æquivocationis præoccupandæ gratia ita præmissis, adjecta adhuc una vel altera circumstantia, tam *podagram* in genere, quam hos, qui huic *tumescenti*, podagræ specialius expositi vivunt, concernente, proclive erit, quasi spicilegio instituto, in unum colligere descriptionem *tumoris œdematoso-podagrici*; quod sit *tumor œdema referens*, eveniens subjectis, sive jam aliunde *podagræ*
ini-

initia expertis, sive ad minimum cum notabili *sensu* in parte affecta connexus; Sæpè *unum* tantum pedem aut crus, aut certè *unum præ altero*, aliquando tamen etiam utrumque, occupans; Et quantò magis jam assuescit aut inolefcit, etiam *pertinacius* durans, imo tandem perennitatem servans; Propter prægnantes tamen rationes, imprimis *Therapeuticas* vulgò usitatas, à vero, præprimis *hydropico-ascitico* œdemate bene distinguendus, neque, nisi admodum incommodè tractetur, verum *hydropis* periculum aut successum, bene vero *retroessione* aut *repulsione* sui, præsentiora, atque graviora ipsius vitæ, pericula minitans atque machinans. Quibus circumstantiis adhuc addi potest, è dictis, quod *podagricus* talis tumor, antequam plane *continuitatem* format, quando *recurrendo* invadit, per longius tempus dies noctesque persistat; tandem tamen etiam, post aliquot sæpè septimanas, insigniter *remittens*, novis demum *paroxysmis*, aliquando post satis longum interval- lum plurium mensium, demum revertens.

§. VII.

Ut vero jam aliquanto pressius tractationem hujus rei persequamur, ante omnia attentiori considerationi aut recordationi commendandum venit, quod utique *podagra*, ut omnes affectus *rheumatico-artbritici*, longè familiaris & velut magis ordinariè obtingat subjectis, textura corporis *laxiore* atque *spongiosiore* conspicuis; qualia vulgata in- dè ab antiquitate appellatione, temperamenti *sanguinei* & *phlegmatici*, aut ex utrisque *mixti*, notantur. Quantò magis autem ita dicta *Sanguinea* constitutio in iisdem elu- cet, tantò magis etiam *sensui* exquisitius molestis pathe- matibus afficiantur. Sicut ex adverso, qui à *fervidiis* san- guinea constitutione magis ad *phlegmaticam* dictam, fero- ciorē, tendunt, etiam *podagrico-artbriticos*, imo ipsos *rheumaticos* affectus & effectus, *stupidiores* solum experi- antur: ita ut sæpe de nulla alia re disertius conquerantur, quam

quam de *immobilitate* & *insensibilitate* partis, aut ad summum implicito illo, molestiæ magis quam doloris eximii, sensu, quem vulgus nostrum exprimit: Es seye ihnen das Glied eingeschlaffen, oder, es seye ihnen der Fuß boll, quod circumscribunt, als wann sie auf harten Belß treten.

§. VIII.

Horum priores, absunt communiter longius à nostræ commemorationis tumoribus: Et quidem *duplici* conditione. Primò enim aliqui talium, imprimis à *sanguinea* ad *cholericam* texturam declinantes, adeo potius *contrarium* experiuntur, ut sub doloribus suis, imprimis autem sensim senescentibus f. mitescentibus, verius *extenuationem* aliquam partis affectæ animadvertant; eousque, ut aliquando ad *coxendicem* usque assurgens hæc, quod omnino est, *strictura* harum partium, plus minus sensibilibiter *spastica*, (uti totus dolor *podagricus*, principaliter, *spasticis* *vellicationibus* innititur) de *aridura* partis solliciti evadant; Dum hæc ipsa *strictoria* *extenuatio* sæpe satis diu incumbit, priusquam sensim in ordinem redeat. Ad quam rem etiam facit, vigilantius, in proprio suo corpore, facta observatio *Sydenhamii*, quod per initia insultuum *podagricorum*, *venæ* per longitudinem cruris, atque pedem, magis *inflari* sentiantur, nempe certè *spasticis* musculorum, sub quibus passim repunt, pressiõibus.

§. IX.

Secundo vero, *spongiosioribus*, sed *fervidius* Sanguineis, eveniunt quidem etiam aliquando *inflationes* tales aliquæ, seu intumescentiæ; sed iterum duplici differentia. Dum aliquibus quidem non, nisi *particulariter* solum, circa *genua* aut *malleolos*, aut *pollicem* pedis, aut confinia ejus, umb den Ballen, eveniunt; Et iterum, aliis, per *initia* insultus, aliis propius ad *declinationem* doloris. Quibus vero etiam talibus latius se diffundit hujusmodi tumor, illis non, tam *œdematosus*, *molliculus*, *impressionem* *digitorum*

admittens, *pallidus*, obtingit; sed *durus*, *rubicundus*, tactui quoque *calidior*, quam in partibus sanis reliquis deprehendatur.

§. X.

Quemadmodum autem reliquæ etiam, *Rhevmatum*, atque *arthritidis* & *podagræ*, circumstantiæ, circumspectæ considerationi satis persuadere possunt, quod in his affectibus *appulsus* copiosior sanguinis, sive uti vulgus loquitur, *Decubitus* humorum (unde quoque *Rhevmatis* nomen) ad partes ita affectas eveniat; ita, ubi sincerior *sanguis* abundans, in culpâ hâc est, conspirante partium porosarum spongiositate, contingunt stagnationes tales evidentiùs *sanguineæ*.

§. XI.

Ubi verò *serosior* est M. S. neæ crasis à *stagnatione* tali altius penetrans diffusio, *seroso-aquosæ* substantiæ, format stagnationem talem *seroso-halituosam*, in partibus magis exsanguibus usque, nempe ipsâ *cute*: (affectis tamen pariter etiam subjacentibus musculosis) unde tumor talis *œdematosus* originem suam capeffit.

§. XII.

Servat autem propemodum uterque hic tumor, nempe tam *durus* ille, *rubicundus*, quam hic *œdematosus*, communem illum morem, ut uterque, imprimis quantò importuniores sese gerunt, tantò certius ita in *consuetudinem* abeant, ut etiam soluto præsentè *paroxysmo*, tamen illic *rubore* & *duritie*, cum *furfuraceis*, imò *squamosis*, arefcentibus, cuticulæ secessionibus pruriginosis, sensim *perennent*; Et *posterior*, cum stabili *œdemate*. Nempe per adsuescentem, valdè dilatatis poris, (& in priore casu, ipsis minimis cutaneis vasculis,) primò dilatationem, & sensim, in dilatatis meatibus, stabiliores humorum (utut progressum servantium) receptus.

§. XIII.

§. XIII.

Ultimo verò loco meritò ipsi etiam adhuc historiæ horum tumorum addenda venit, suprà quoque jam allegata, circumstantia illa, quod admodum promptè ab exterioribus partibus *repellantur*; & quantò importunius hoc fit & præcipitantius, in *interioribus*, restagnationes, non solùm graviter *oppletivas*, sed planè etiam *inflammatorias*, parturiant; Et probabilissimè quidem omnium circà ipsum *hepar*. Quæ res, uti non rarò etiam sine *externis* restrictionibus materialibus, solùm per *animi pathemata*, aut alias *tacitas* occasiones provocatur, ita, non raris exemplis, adeò malè cedit patientibus, ut illos non solùm in periculum, sed sæpeæumero etiam ultimum vitæ damnum, conjiciat.

§. XIV.

Cui ipsi rei, ut jam alibi conveniente loco monitum est, imprimis inniti videtur observatio illa, ipsi plebi (uti propemodum solet in animadversione simplicis experientiae minùs inepta esse) familiaris, quod homines, qui adhuc *juniores*, & ut illa circumscribit, infra *quadragesimum* annum, podagrâ corripì incipiunt, (imprimis ferociore) non pertingant ad senium. Cum ex adverso, qui jam *seniores* hac affici incipiunt, satis sæpè ad longam senectutem pertingant. Qua de re, suo tempore, etiam publicæ novellæ, incertum verè nec ne, aliquid narraverunt, quod *Monarchæ* cuidam, cum *primos* manifestiores *podagræ* insultus, jam quinquagenario major, experiretur, Medici solenniter gratulati sint, tanquam de certiore indicio aut præfagio, prolongandæ diutius vitæ ejus.

§. XV.

Cujus eventus, (quandoquidem omnino experientiae suffragio nequaquam destituitur,) nulla certior, aut sanè probabilior, occurrit ratio, nisi quod *juniore* adhuc ætate, non solùm ad *animi*, sed omninò etiam ad *corporis*

(vitalium) motuum exagitationes longè propensior sit in-
doles humana; inquietior, impatientior, audacior, incon-
stantior; quàm *senilis*. Unde facilius illi turbulentiores
ejusmodi *jaçtationes* atque *fluctuationes* obtingunt, ut mi-
nus pertinaciter, in una ignobiliore parte, factas eò con-
gestionibus sanguinis detineant, & ab illis sensim solùm at-
que languidè iterum remittant; sed potius audacius, ad
repressionem talium ad interiora provolent; ubi festinatis
talibus coacervationibus, infarctus, restagnationes, stases,
inflammationes obtingunt.

§. XVI.

Meretur autem utique huic historiæ, ultimo loco il-
lud annecti, quod tumores tales *œdematodes*, etiam ali-
quando accidere soleant viris *podagram* nondum manife-
stius sentientibus interim *motibus hæmorrhoidalibus*, plus
minus sensibiliter affectis; Quæ res inter alios, illum etiam
usum habet, ut indè *συζυγία* illa *hæmorrhoidalium conge-
stionum* cum *podagricis* lucem adipiscatur, ut de eâ re jam
multoties actum est à D. D. Præsidente.

§. XVII.

Ex hac autem, verâ constitutione talium, tumorum,
uti verior *Diagnosis* eorundem, sine ullâ difficultate hau-
riri potest; ita facit huc imprimis circumstantia illa, quod
tumores tales multoties *alterutrum* solùm pedem, ad mi-
nimùm per *initia*, aut unum *præ altero* gravius occupent;
Cui tantò magis suffragatur altera, dùm hujusmodi tumo-
res longe certius manifestiore aliquo *sensu* molesto stipan-
tur, quam *simplices* œdematosi. Id quod imprimis usum
habet, in *fæminino* sexu; cui licet *podagra* communissi-
mæ crassioris sensationis, adeoque etiam acceptionis & di-
judicationis minus familiaris esse sentiatur quam viris; sed
ferè *rheumaticis* pathematibus annumeretur; Tamen hic
etiam conveniens discretio observanda venit, talium *tumo-
rum*, à verius & simplicius *œdematosi*.

§. XVIII.

Diagnosi justæ, subjungitur *Prognosis*. Ubi videlicet illud certum est, quod cum *œdemata* pedum simpliciora, nisi quidem etiam ab *externis* causis, ab refrigeratione, imprimis humida, aut *contusionibus* gravioribus, *fracturis* &c. ortum habeant, certissimè *viscerum abdominis* malam constitutionem pro fundamento agnoscant: adeoque longè altius reconditum, pertinacius atque gravius, periculum portendant; Hi tumores, de quibus nobis sermo est, utpote certius ab *exteriore* causâ, nempe *stagnatione* humorum ad has partes restricta, tantisper sine nobiliorum labe, prognati, minus propinqui periculi foveant. Quæ consideratio, si nullum alium haberet usum, hunc certè habet minime contemnendum, quod in genere non æque *festinatam* curationem, & *pertinacem* hujus intentionis prosecutionem, efflagitet; ad oque nullam *necessitatem* inferat, irrequietis, & profectò sæpè inconditis, imò adversis veræ suæ indoli, tentaminibus artificiosis, incumbendi atque insistenti. Quandoquidem his, (si modò sine præjudicio & præoccupatione irritarum speculationum, ipsa veritas experientiæ rectè & sincerè expendatur,) nihil familiarius impetratur, nisi ut patientes è malo in deterius prolabantur, & tandem paradoxon illud, prudentiori considerationi equidem certum reddatur, ut patientes tales revera demùm in *viscerum* etiam obstipationes conjiciantur, & verus *hydrops* illis denique concilietur, aut certè acceleretur. Et inde minus circumspectæ & fundatæ speculationi, loco cauti intellectus, demùm iterum novus error ita objiciatur, aut certè antiquus obfirmetur, quasi *œdemata* talia, cum tandem verioris *hydropis* signa suffragentur, jam ab ipsis sui *initiiis*, verè *hydropica* fuerint. Quam considerationem, non sine prægnantibus causis, Practicis (qui nempe soli de his rebus exactis dispiciendi occasione potiuntur,) iterum iterumque commendamus.

§. XIX.

Ut enim propius jam, *prognosticâ* consideratione, ad *comparisonem* ejus cum *Therapiâ* progressum faciamus, benè utique considerandum venit, quomodo è plerorumque practicatorum Autorum peritorum observatione, remedia, quæ alias ad *hydropis* curam destinari consueverunt, *podagrîco arthriticis* affectibus adeò non quadrent, ut illis potius manifestius incommoda, seu disertè rem eloquendo, alia minus, alia magis, *noxia*, sentiantur.

§. XX.

Quamvis enim etiam, (si secundùm veram, & non solum à malefido auditû, immaturâ credulitate transumptam, experientiam res æstimetur,) vero *hydropi* & *hydropis œdematibus*, etiam quanta libet ejusmodi tentamina & conamina, Medica, parum solatii afferant; quin tandem varie defatigatis ægris, & vario sumtu exhaustis, morbus talis ad sepulchrum comes persistat; Imprimis, ut ordinarium est in subjectis delicatioribus aut corporis diffusiore mole jam ante morbum, aut à morbo, prægravatis, si *motus voluntarii* nullus amplius pateat usus & concursus: aut *ætas*, patientis, aut morbi, eò ipso jam profundius innidulati, vires jam imminuerint; Tamen quicquid etiam *communiter*, quantumcunque adhuc efficax habetur aut observatur ad verè *hydropicam* constitutionem, *podagrîcæ* constitutioni dicto modo minus conducere, plerique propemodùm peritè circumspectiores, uno ore profitentur.

§. XXI.

Ita enim *purgationes*, pro affatim evacuanda copiosiore jam *serositate* restagnante, tum ab antiquioribus commendatæ, tum à *Martino Listero* quasi novâ autoritate munitæ, quam parum convenient *podagrîco arthriticis* affectibus (si nœniam illam, de *hermodactylis*, qui ab ipsis usque *articulis* trahere debeant, ipsa quoque *falsa* hypothesi ibi repositos frigidos lentos humores, seponas) ex eo
fatis

fatis dilucescit quod ferè nemini practicorum probentur, ut proprii etiam corporis sui experientiâ edoctus *Sydenham*, potius *purgationem* etiam in genere, *podagræ* magis turbandæ quam juvandæ, aptam atque efficacem judicet.

§. XXII.

Secundò, cum *hydropico-œdematosis* spissioribus humorum dyscrasiis, equidem à totâ propemodum schola Medica destinantur *incidentia*, *resolventia* & plus minus *colliquantia* medicamenta; quæ interim à recentiore schola, præsertim è *salium* abstersivorum censu peti solent; Occurrunt profectò passim practici, & inter hos imprimis Empirici circumspectiores (qui nempè à solâ experientia effectum medicamentorum metiuntur) qui *salinorum* talium usu, uti *hydropem* verum, nimis quam parum sublevare, communis observatio confirmat, ita *podagricos* affectus ab iisdem (communiter usitatis, inquam, *salinis*, tam *mediis*, quam aliorum variorum generum) potius *exacerbari* animadvertunt; Quod aliquos talium eâ formulâ exprimere audias: Man treibe es denen Patienten mehr damit in die Glieder. Ut etiam indè solertioribus aliquibus Empiricis consilium natum meminerim, quando *podagricis interna* pathemata, à podagra extrinsecus *stupefactâ*, incumbunt, per similia medicamenta eandem iterum extrorsum, in artus consuetos, depellendi atque propulsandi.

§. XXIII.

Tertiò, cum pro *hydropicorum* œdematum cura, passim laudabilia, imò necessaria habeantur *Aperientia*; talia verò à recentiore Medicâ schola non aliunde certiora petenda ducantur, quam è *martialium* præparatorum coetû; Imperitum propemodum planè aut cerè penitus inadvertentem, ut ita loqui liceat, esse oportet, practicorum eventuum, qui nesciat quod *martialia* adhuc magis atque sensibilius, quam *salina*, effectum illum podagram in artus *impellendi*, aut in illis *exacerbandi*, exerant: Quamvis
etiam

etiam quotidiana praxis satis docere possit, quam parum conceptæ spei respondentis effectus *martialia*; vero *hydropico* oedemati afferant; ut potius solertiore animadversione admodum communiter satis eluceat, quod hoc ipsum quoque morbi genus, familiarius sensibiliter ab illis *exasperetur*, quam ullâ ratione mitigetur. Nempè longè certius *adstrictoria viarum*, quam ullo modo *attenuatoria humorum*, efficaciam: Unde in hoc ipso casu, oppido quam necessaria esset, theoretica illa discretio, quod uti, siue supposita, siue vera, *obstructio* illa glandularum, sicut communius ab *humorum* infarctu, & horum, ad talem subeundum, spissiore intemperie, deduci debeat; Ita his infarctibus expediendis, non alia remedia propius quadrare atque convenire possint, quam quæ *humores* tales, nequaquam autem *vias* & *solidescences* partes, potentius afficere possint; Cum alias etiam simplici sanæ rationi nihil manifestius esse possit, quam illud, quod qualicumque *viarum* strictura, sine præcedente *materiæ* inhærentis sufficiente attenuatione, adeoque *mobilitate* ad cedendum, nihil certius sequi possit, quam firmiter *materiæ* ita impactæ *constipatio* adeoque omni respectu infelicior eventus. Quorsum etiam non immeritò referri debet, communis experientiæ observatio illa, quod *acidulæ* hydropicis solennius funestæ sunt, quam salutare; unde plebeja illa proverbialis formula enata est: Wenn ein Wassersüchtiger in den Sauerbrunnen reisen wolle, möge er den Sarg in Borrath mit sich führen.

§. XXIV.

Ubi etiam cum hac de re mentio hæc convenientem locum omninò præbeat, non immeritò laudare posse nobis videmur epistolium illud, quod Polonus quidam nobilis *Arcisseuski*, de successu curationis podagræ suæ, per medicamenta à *Cnæffelio* suppeditata, adamicum exaravit. Cum enim ibi præcipuum remedium, ut ipse quidem ominatur,

natur, artificiosum, acidularum imprimis æmulum fuisse memoret, sed aliquantò sensibilibiter acidius quam nativæ esse solent; tamen tota historia nihil amplius docet, nisi quod ab annuo, & quod excurrit, medicamento hujus usu, nihil amplius reportaverit, nisi ita mediocri solatium suæ podagræ, ut paulò minus credulo facilè oriri possit dubium, an illud ipsum pleno jure medicamento ipsi vindicandum venire queat; Certissimè vero dilucescat, quod adeò insignè operæ pretium nequaquam fuerit. Ceterum, nec tota illâ historia proprie ad nostræ tractationis affectum respicit, nempe *œdematoden* podagricum tumorem, sed solum de parvâ efficacia *martialium* testimonium perhibet; quorum sinister effectus ad hunc eundem affectum, probabilius per largiorem *aciditatem* mitigatus fuisse videtur. Quæ ipsa etiam, qualemunque usum reliquæ podagræ *mitigativum*, magis præstare potuit, *mediatâ* illâ vulgò dicta *refrigeratione*, seu *contemperatione turgidioris* sanguinis, (quò nomine *nitrum* aliis omnibus palmam hic etiam præripit) quam ulla alia magis specifica operandi ratione.

§. XXV.

Inferere quoque licebit disparitatem remedii ad *hydropica* œdemata & *podagram* contrariæ efficaciæ. Dum ad *hydropem* nemo propemodum probat, nedum laudat *V. S. nes*; Quæ tamen, imprimis *præservativo* usu, ad *podagram* reliquam (licet non æque ad hanc *œdematoden*) prudente administratione, longè certius utiles, quam ullo modo suspectæ, sunt.

§. XXVI.

Quamvis autem remedia, & *positiva* regimina, *Diaphoretica*, ad cûram *hydropicorum œdematum*, non æque ita absolutè commendentur; Tamen, cum aliquibus placeant, notandum etiam de illis hic venit, quod eadem, repeto, *directo* usu atque scopo, ipsi quoque *podagræ* sine peculiari circumspectione & subordinatione, minus quadrent:

C

ad-

adeoque etiam h. l. disparitas talis observanda atque notanda veniat.

§. XXVII.

Quemadmodum autem nemo fortè circumspectior in *hydropicis* œdematibus, *opiatorum* usum probaverit; cum *hydrops* jam ad *agrypnias*, communissimè *orthopnoicas* devolutus, cerè *narcoticas* sopitiones impatientissimè ferat: tamen in tantâ, hodie etiam, circâ hanc rem tum confusione, tum audaciâ, breviter notare licuerit, quod hæc eadem *opiata*, etiam *podagricis* plus minus *dolorificis œdematibus*, nihilo magis conducant; sed potius *stuporem*, ante omnia verò *pertinaciam* mali hujus, augeant, & illud imposterum etiam melioris efficacix remediis immorigerum atque inobediens reddant.

§. XXVIII.

Sicut autem justæ, (atque verè solidæ experientix atque rationi superstructæ,) *cautelæ* practicæ, omnibus, necessitatum artis, & calamitatum à confusionibus nimium quam familiaribus modernis, satis peritis, non parvi pretii, dignitatis, atque usus, habebuntur; ita cum tamen etiam sub his angustiis solliciti practici, imprimis juniores, passim, non solum ad *privativum*, sed quam maximè ad *positivum*, consilium, respectare soleant, atque adeo, sive probata, sive planè intermissa, meliore *theoria* & hinc per propriam pensitationem formandis debitis *indicationibus*, magis anhelent simplices *præscriptiones* & *therapias*: seu *methodi* & *materiæ medicæ*, cui plus, quam quotidianâ experientiâ spem destituentibus aliis protritit, fidere atque insistere sit integrum; Non deerimus propterea etiam huic officio, quin, quæ rationi atque experientix magis respondere cognovimus, suppeditemus.

§. XXIX.

Primo itaque omnium loco meritò collocamus, respectum, in hoc etiam symptomate podagrico, decenter habenden-

bendum, ad affectum *primarium*; nempe *podagram* ipsam, atque veram ejus indolem, in ordine ad tractationem Medicam. Quæ, cum apud omnes peritiores, & ad minimum ipso usu cautiores redditos, tantò magis autem justis quoque theoreticis, rationibus potitos, agnoscatur imprimis *chronica*, *pertinax* atque *contumax*; & sub hâc ipsâ tamen *obstinatione*, manifestò minoris *periculi*, quam audaciores turbationes, per fortiores medicationes ipsi inductæ: venit proindè certè etiam hæc conditio, meritò in considerationem justissimam, ut ad animum revocetur, quemadmodum affectus ipse totus, valdè *chronicæ* sit indolis; ita etiam *symptoma* hoc ejus, similiter *chronicam* magis, quam *acutam* aut *præcipitem* indolem referens, pari existimatione dignum esse; neque mereri, nedùm *efflagitare*, uti ipsi præsentiore, seu potius *importuniore* aliqua, tractatione, obviam eatur.

§. XXX.

Sicut enim antiquiores (quibus etiam ferè ubilibet manifesta prærogativa, tm in genere, *philosophicæ*, nempe distinctioris atque benè discretivæ, eruditionis, & peritæ *præcticæ* atque *pragmaticæ* circumspeditionis, præ variis in hodierna scribendi promptitudine, multa immatura promentibus, non potest denegari) dexterrimè commendant, discretionem *symptomatis* qualiscunque segnioris; & contrà, *urgentis*: ita certè in præsentè quoque nostræ tractationis subjecto vindicat sibi discretio hæc eximium planè locum. Dum videlicet, quia utique *œdemata* pedum *hydropicæ* indolis, justius suspecta non ægris solùm, sed passim etiam Medicis, magnam formidinem atque sollicitudinem injiciunt: adeoque facilè hinc, & ferè familiariter, *urgentium* symptomatum censui adscribuntur; Eoque nomine, trepidiores imprimis, ad festinandum, nisi quidem præcipitandum, quodcunque auxilium inducunt; (Quod tamen ipsum etiam, quo jure vel inju-

ria, & consequenter bono aut minus, usu & eventu, fiat, non est præsentis loci enucleare) Certè illud, de quo nobis hic est sermo, *œdema*, ipsum quoque *propriâ suâ indole*, non esse adeo *præcipitis* mali effectus, adeoque tam *urgentis* indicationis, prudenter omninò eliciendum venit è de scriptâ ejus historiâ. Dum videlicet non solùm passim, finitis *paroxysmis*, ipsum quoque iterum subsidet; verùm ubi etiam pertinacius durat, satis sæpè tamen per *annos* adhuc benè multos, extrâ *vitæ* damnum, aut tam *propinquum* periculum, vertantur ægri; Dummodo non per minus convenientem tractationem, vel in verum *hydropem* degeneret, vel *retropulsionibus*, præsentius periculum acutioris typi, ægris facessat.

§. XXXI.

E quâ consideratione, Medico rerum suarum satagenti, ante omnia illud bonum *consilium* nasci potest, ut maturâ deliberatione expendere valeat, quid tandem salutaris opis *invenire*, atque executionem ejus *decernere*, liceat. Sicut enim justissima, imò passim necessariâ contemplatione atque æstimatione, partim *Energiae* aut *Synergiae*, partim *tolerantiae* aut *sensibilitatis*, Naturæ ægrorum, partim *indolis* & *progressus* ipsorum morborum, non modo *ordine* primum, sed sæpè etiam *dignitate* non posterius, est *theorema Therapeuticum*, quando Medicus ad patientem vocatur, AN utique statim agendum aliquid sit, pharmaciâ seu *artificialibus* remediis; & non potius observanda veniat, Naturæ ipsius salutaris operatio, aut ad minimum talis *tolerantia*, cui *placidè, tranquillè, moderatè* subveniendo, melius consuli possit, quam turbulentiore *exagitatione*, per remedia imprimis *activiora*, præpropèrè ingesta; ita facilè certè est intelligere, quod etiam præsentis nostræ tractationis affectus, huic contemplationi omninò locum præbeat, & *festinatis* remediis, dùm iis non ita promiscuè auscultat, potius *irritari* aut *turbari* possit: Tantò magis
autem

autem affectus ipse *fundamentalis*, cujus hic *symptoma* tantum est, nempe ipsa *Podagra*.

§. XXXII.

Secundò, venit etiam expendendum, utrum commodius, aut certè non contemnenda efficacia, affectui huic etiam aliquid levaminis conciliari possit, *præservativa* seu *præoccupatoriâ* methodo sive magis *directè* ad ipsum spectante; nempe *serosæ* colluviei imminutione, *extrà paroxysmum* ipsum universum, ferè semper tolerabiliore, quam in ipso paroxysmo: sive ad totum *paroxysmum podagricum*, quâ talem, respiciente, per ventilationes *sanguinis*; sive V.S. nibus, sive scarificationibus: sive hirudinibus, & aliis, quantum ejus fieri potest, *hæmorrhoidalibus* promotionibus.

§. XXXIII.

Quod autem *Curationem in paroxysmo* ipso, & circa eundem, concernit, suppeditat hoc tam ipsa experientia, quam illustrat propemodùm sana ratio, quod, sicut magis ordinariè, tumor talis, *latius* præsertim se diffundens, magis demum *succedat* paroxysmo podagrico, aut certè *declinationi* ejus *accedat*. Quicquid autem tandem aliquantò magis *directè* ad hunc *tumorem* efficax invenitur, podagrico *paroxysmo* reliquo, minus tolerabile sit (quæ est hujus, admodùm familiariter, impatiens sensibilitas) etiam opportunitas huic propriè tumori succurrendi, major certè est *declinante* jam mitescente qualicunque illâ sensibilitate *podagricâ*, quam *incipiente* demum, aut quam maxime *vigente*.

§. XXXIV

Subest tamen utique hic *duplex* difficultas; una *essentialis*, sed aliquantò facilius expedienda; Altera *accidentalis*, sed oppidò magis prægravans, tam bonam spem, quam salutarem opem. Prior illa, versatur in *podagræ* talis, aliquando ita *stúpida* gravitate solùm atque *torpore* pe-

dis, ut exquisitior aliquis sensus, nedum *dolor* minus distinctè percipiatur. Expedit interim rem, nempe *paroxysmi* præsentiam, reliquod *symptomatum* tunc temporis sensibilibior *syndrome*; *languoris* universalioris, sed tamen admodum *inquieti*, *appetitus prostrationis*, *somni pauci* & *parvi*, sub quantacunque etiam *somnolentiâ* *levior* sed plus minus *assidua febricula*, *turbatio capitis*, major quam ordinariè *morositas* & *impatientia* ægri, & *urinæ* temporariæ alterationes, cum *alvi* etiam inconstantia &c. quorum omnium præsentia, non solum tantò probabiliorem, sed prorsus evidentio rem reddit, *paroxysmi* talis præsentiam.

§. XXXV.

Altera vero, *deterior*, circumstantia, consistit in hujusmodi affectus *podagrici*, turbatione & incondito more, per tractationes podagricis affectibus minùs convenientes, introducto; ubi tum alia artificia, sine certâ ratione, aut verâ efficaciam ad talem effectum, tentata, tum eminenter inconditus usus *Opii*, argui merentur. Utpote qualibus, imprimis autem *Opio*, affectus tales, non solum in *confusionem*, sed & in summam *pertinaciam*, familiarissimè conjiciuntur. Cujus certè rei exempla, hinc, indè observandi uberes hodierno die se offerunt occasiones; Nempe *podagricorum* affectuum, ex usitatis alioquin *alternationibus*, & sæpè satis longis *intervallis* in *continuitatem* quandam, & insolitorum etiam symptomatum eventus prolabantium; Quæ perversio posthac etiam bonis methodis atque medicamentis, ad irritum redigendis sufficit.

§. XXXVI.

Invento autem opportuniore tempore, huic incommodo, nempe *tumori* tali, veluti *seorsim*, occurrendi: nempe *extrà* podagricum paroxysmum, aut certè *mitescente* jam præcipuo ejus impetu; nempe si tumor talis diu etiam post podagricum *paroxysmum* continuare sentitur; Habent præcipuum usum *pillulæ D. D. Præsidis balsalsamicæ*;
tan-

tantò magis autem, *specialiùs* ad tumores instructæ. Interim potest hic etiam aliquid *squilla*, & ex illa præparata: tam *syrupus* de squillâ, quam *Oxymel* squilliticum; in quò, si *acetositas* foriè metuatur, potest illa faciliè subigi admixtione *absorbentis* alicujus ante exhibitionem. Et sicut alia quoque *mitiora cathartica*, utilitate sua hic non carent, ita abstinendum tamen venit ab *importunioribus* purgantibus, præsertim sub quantumcunque *sensibiliore* patientium constitutione.

§ XXXVII.

Sicut autem usitatissima, imprimis tamen propiorum temporum, praxis, familiarissimè alienis à rei veritate opinionibus, tam de causis morborum quam efficaciam medicamentorum, turbida, in dando consilio medico passim ingentem necessitatem parit, *privativam* methodum veluti præmittendi: nempe à quibus *methodis* & *remediis* *abstinendum* sit, monendi; id quod proinde mihi Præsidi usitatum est, priusquam ad *positivum* suum remedium accedam; Ita necessarium omninò videtur, in præsentis etiam tractationis subjecto, *cautelâs* jam suprà allegatas iterum iterumque commendare. Nempe partim veram discretionem *podagrici tumoris*, à quocunque alio *œdematoso*, concernentes; partim medicamentorum vulgò dictorum *Aperientium*, & inter hæc temerè caput extollentium *Martialium*, eminentissimè autem *opiatorum*, abusum, & infeliciores effectus, notantes.

§ XXXVIII.

Ad *positivam* autem methodum atque medicationem, nostra theoria atque praxi, ratione, inquam, & experientia, meritò referimus, peritè prudentem usum *præservatorium* & *præoccupatorium*, *ventilationis sanguinis*. Quamvis enim hic plus utilitatis habeat, ad ipsam *podagram*, quam ad hoc ejus *symptoma*; tamen, cum *symptoma* hoc à *primario* affectu dependeat, ut ad minimum illius *exacerbatio*.

bationes, etiam hoc *symptoma* non solum *foveant*, sed etiam *exasperant*; certè quicquid illi usum aliquem præstare potest, huic etiam subserviturum esse, nemo facile in dubium vocaverit.

§. XXXIX.

Quemadmodum autem nequaquam temerè usi sumus locutione illa, quod V. S. nis seu *sanguinis ventilationis*, peritè prudens usus unicè, hic locum inveniat; ita certè hujus veras rationes atque conditiones exprimere, non fert præsentis loci angustia, sed veniunt illæ potius aliundè petendæ atque comprehendendæ. Sicut etiam illius circumstantiæ atque conditionis vera indoles, quomodo *ventilationes* tales, *præservativè* potius, quam *curativè* administrari debeant atque exerceri. Ubi imprimis repetenda venit excusatio illa, in considerantis certè, uti imperitiæ *contradictionis* nervum infringens, quod *sanguinis ventilatione podagra non possit curari*, adeoque hæ non sint remedium, ad hoc genus pathematis *sufficiens*.

§. XL.

Sicut enim *crudæ* hujusmodi objectioni, etiam regeri possit *experientia* contraria, nempe *podagræ*, per maximè convenientes, ab ipsa *Natura* susceptas, quin *arte* etiam imitando suppletas, ventilationes sanguinis, omninò sublatæ. Ita cum tamen etiam talis experientia, reverà *conditionibus* suis circumscripta sit; ne eadem *confusa* argumentandi ratione, obviam procedamus talibus dubitatoribus, sufficere poterit, primo loco, omnibus practicis notam distinctionem, ipsa nostra sententiâ jam expressam, commendare, inter efficaciam *qualiscunque*, si vel maximè, non *pleni & absoluti* usus, *præservatoriam*; & plenam *curatoriam*. Cum enim vel tyronibus decenter institutis, notum esse debeat, quod *præservatio*, respiciat causas *antecedentes*; quarum subtractione, (cum tam facilè, nedum semper *plenariæ* hæc impetrari non possit,) si non *totus* even-

eventus intercipi valeat, tamen *vires & ferocia* ejus, *accidere & infringere* liceat; ita facilè erit applicationem ad nervum hujus disceptationis facere, & antiquum illud assequi, quod in necessitatibus, præstet utique *aliquid*, quam planè *nihil* impetravisse.

§. XLI.

Ceterùm, brevissimis comprehendere utique licet, conditiones, quæ hujus etiam remedii usum *opportunum*, magis aut minus ratum efficere possint; nempè vel *recentior* adhuc podagræ, & hujus etiam *symptomatis* ejus, ætas: vel jam *inveteratus* habitus & *adsuesacta* jam major insolentia, atque pertinacia. *Moderatior*, etiam atque *ordinatior*, insultus; aut contra: sibi magis relictus atque *constans mos*, aut malo patientis regimine, aut inconditis artificiis, *turbatus*, aut, quæ *opiatorum* est infamia, in *pertinacem contumaciam* deductus. E quibus posteriora, ut omnia bona consilia, ita etiam hujus *præservativi* subsidii, usum, minuunt, aut frustrantur.

§. XLII.

Quemadmodùm autem præstius *ordinem*, aut planè *doses*, nedùm *formulas*, remediorum, atque usus eorundem præscribere, propterea semper otiosum ducimus, quia, cum hæres *proprie* ipsam practicam administrationem respiciant, in practico verò, talia in se recepturo, meritò præsupponatur talium rerum perita prudentia, *Empiricis* autem nudis, neque deceat, nec etiam liceat aut possibile sit, secundùm circumstantiarum variarum, earumque *opportunitatis* aut *necessitatis*, diversitatem, omnia strictè determinata dare atque definire. Propterea, inquam, hujusmodi præscriptionibus immorari, consultum non ducimus; ita commendata solùm omni debita peritè prudente circumspectione & administratione, potius unum & alterum exemplum hujus nostri negotii, memorare utilius ducimus.

§. XLIII.

Vir generosus, in rebus satis lautis constitutus, vini æque, atque reliquæ diætæ abusibus indulgens, *podagricos* insultus experiri incipit, circà quadragesimum, aut circiter, ætatis annum, usitatis autem passim artificiis illis intactâ *causa*, *effectum* solum respicientibus, *palliatis*, *stupefacientibus obtundentibus*, atque *demulcentibus*, mox reportavit, *stabile ædema* pedum, quod antea in *phlegmatico sanguineo* corporis habitu, *paroxysmis* solum concursans fenserat. Quid tandem prævalescenti *tumori*, remedium sit adhibitum, cum nobis non liqueat, suffecerit historiam ipsam prosequi, quæ paucissimis illis comprehenditur, quod *ædema* hoc, non solum *coxas* & *lumbos* sensim superaverit, sed etiam *abdomen* totum, formali *hydropica, ascitica* inflatione, immodicè distentum, cum *febre lentâ*, *appetitus lapsu* in dies augescente, & reliquis usitatis ingravescentis *hydropis* pathematibus, ad *orthopneam* processerit; Consultus medicus, pilulas commendavit atque suppeditavit, quibus semel debellatum esse *hydropem*, compertum habere asseveravit. Cum autem massa solum transmissâ, & imperatâ inde efformatione pillularum, ad mediocris pisi magnitudinem, ingens *super-catharsis* secuta esset, adscriptus est hic eventus imprudentiori mensuræ pillularum observationi. Cum autem statim, ab hoc eventu, cum totali appetitus dejectione, omnia reliqua symptomata, *febris*, *agrypnia*, *orthopnea*, immodicè insolescerent, & *scroti* atque *præputii* inflatio, præcipiti impetu, majori etiam abdominis expansioni accederent, frustra adhibitis aliis remediis, obiit.

§. XLIV.

Alius patiens, omnia reliqua similia expertus, excepto eo, quod pilulæ eadem jam formatæ transmissæ, in ægro tamen ad purgationes admodum sensili, adhuc majorem

rem

rem hypercatharsin promovissent; patiens etiam ad ther-
mas, cum magnâ fiduciâ transmissus, sed nimio debilior
indè reductus, in solâ morte remedium invenit. Ætate
tamen jam provectior priore, nempè aliquot suprâ quin-
quaginta annos affecutus.

§. XLV.

Alius patiens similiter manifestè *podagricus*, imò *ar-
thritico-podagricus*, nec ipse circâ diætâ usquam scru-
pulosior, cum similem tumorem à plusculo jam tempore
incurrisset, interim tamen etiam valdè, sensibiles *dolores*,
& imprimis *unius* pedis exquisitiores *præ altero* tolerans,
tum medico, tum proprio iudicio & consilio, (rei *phar-
maceuticæ* addictus) pro *hydropico* declaratus atque tracta-
tus fortè quidem adhuc vivit, sed in ancipiti spe, ut nobis
memoratae sunt circumstantiæ, tolerabilioris eventus: ni-
si quo practici concurrentis ope uti memoretur, cuius no-
ta nobis peritia atque prudentia, spem meliorem nobis
adhuc quoque facit.

§. XLVI.

Vir, meritâ nominis celebritate, atque dignitatum
gradu, illustris, duos aut tres ultra sexagesimum annos as-
secutus & paulò juniore adhuc ætate, inter reliquam sa-
tis firmam valetudinem, diætæ etiam nequaquam strictâ,
sine incommodis usus; imprimis (quod propemodùm sa-
nitatis ejus constantioris fundamentum haberi mereba-
tur,) inde à triginta retrò annis, *hæmorrhoidum* fluxu pe-
riodico, satis ordinato atque moderato, affectus, senserat
jam à decem aut amplius, annis, in *alterutro* pede, *obtu-
siores* tales motus *spasticos podagricos*, quos pro talibus,
oblatis occasionibus, ego Præses declaraveram. Mutata
sensim diætâ, & sedentariâ magis vitæ ratione, cum taci-
tis curis & iracundiis, (licet prudenter repressis ac dissi-

mulatis,) indulgens etiam, aliunde, & passim, pro more commendatis remediis, *volatilibus urinosi* magis magisque *cachecticum* incurrit habitum, imprimis diffuso atque pingui alioquin corpore oneratus. Profectus, jam supra notatâ ætate, ad *acidulas*, & his, cum sensibili incommodo, per 14. dies usus, rediit jam omnibus visibilibus circumstantiis deterioribus affectus. Toleravit ab eò tempore, ultrâ tres menses, *continuum* evacuationem hæmorrhoidalem; à qua; inter reliqua ad deteriores potius, quam meliorem statum conspirantia magis magisque de lassatus, tandem, nescio, quâ de causa aut culpâ, *repente* deficiente hoc fluxu, sed manente, imò vero ingravescente in horas, gravissimo *tenesmode* conatu, ad *ani procidentiam* trium circiter pollicum, & *tumorem* durum, duorum pollicum vel amplius, per totam circumferentiam, intestini recti, deducente, qui etiam *sphincterem vesicæ* ita comprimebat, ut Urinæ exitum interciperet: variorum usitatorum symptomatum, talibus pathematibus familiarium exacerbatione, *febricula, siccitate oris & siti, appetitus, summa prostratione, agrypnia, tussi sicca, lassitudine summa*, eò deductus est, ut etiam præfagio jam passim divulgato mortis candidatus declararetur. Cum ex humanitatis potius, quam artis officio (*nec enim, quod scitè eloquitur Seneca, me delectat, alienum mortuum tollere*) ægrum, quem illis horis demùm decumbere compereram, visitare, juxta memoratas jam circumstantias abdomen in magnam molem inflatum atque tensum, & ægrum molestissimè respirantem conspiciens, simul audio; *dextrum* etiam *pedem* insigni *tumore* affectum. Quem cum statim etiam conspiciendum dare properaret, assistens lecto Chirurgus, detracto tibiali pelliceo, monstrat fascia lata, inde ab ipsis pedis digitis, supra genu usque deligatum, quâ exsolutâ, ut omnia linei texti filamenta, cuti impressa comparebant, ita ubi laxior fuerat strictura exscendens tumor conspiciebatur.

batur. Quamvis animo proposuissem nihil curæ medicæ interloqui, tamen conscientia stimulante, continere me non poteram, quin chirurgum interrogarem, quo fine pes ita deligatus servaretur? qui facillè rationem reddidit, quod hoc factum sit ad compescendum *incrementum tumoris*. Ubi nescio an planè immatura admonitione (certè affectu erga Virum pro meritis suis mihi æstimatissimum) id unum dixi: Bindet ihr ihme nur die Geschwulst in Leib hinein, so werdet ihr nicht viel Gutes richten; Quo monito consternati, fasciam deposuerunt. Cum etiam pes, remotâ fasciâ, unguinosum aliquid oleret, & interrogatus Chirurgus memoraret, inungi hucusque solitum esse pedem mixtura spiritiuosa, cum balsamo peruviano conflata; &, ut solent suspicaces, è vultu meo collegisse putaret, quod unctionem talem non satis probarem, omiſſa etiam impoſterum eſt. Peculiari caſu evenit, ut ſequentē die patiens ſibi atque mihi derelictus, neque vellet, neque bona conscientia poſſet, à me quoque deſeri; Eventus autem, adſtante Divina gratia fuit, ut intra duos dies à lecto, & poſt octo fortè ſequentes à morbi præſentis inſultu ita liberatus fuerit, ut munus ſuum domi, & mox etiam foris obire poſſet; Vixerit etiam poſteà largiente Deo ad anni ſeptuageſimi primi priores meſes; Affectu hoc, per longiora intervalla repullulante, cautius & conſultius tractato.

§. XLVII.

Ita etiam matrona Illuſtriſſ. triginta quinque annorum, corpore & animo exquisitè ſenſilis, poſt abortum, à gravi caſu in lumbos & ingente terrore mediô geſtationis tempore toleratum, cum aliàs rhevmaticis muſſitationibus jam à tribus fortè annis exercita fuiſſet, ſimili tumore, utriuſque quidem pedis, ſed tamen unius præ altero, correpta, benedicente Altifſimo ita ab hoc liberata, eſt, ut

licet ille per tres hucusque annos impertus repullularet, magis magisque verum doloris intimioris sensum una exereret, tamen de tempore in tempus ab hoc etiam rursus libetata, & cætera satis commodè valens, novum puerperium vel experta sit proximis diebus, vel expertura, det DEUS ut feliciter.

Ita quidem suscepto nostro proposito satis perfunctos nos esse sperantes, gratias Divinæ bonitati humillimas persolventes, ut hic etiam noster labor publicis & privatis usibus aliquid emolumentī afferat, humillimâ mente Illam veneramur.

S. D. G.



MADRIGAL.

Eil die Belehrsamkeit
Die Ehre hat zur Tochter
angenommen;

Und der sie allezeit
Zu seiner Braut bekommen/
Der mit der Mutter es gehalten:
So wird sie Dir aniko anvertraut.
Weil nun Dein Fleiß sich hier belohnet
schaut!

So rufet **HERBARTH** schon:
Komm / mein Belehrter Sohn!
Komm / denn du sollst bey mir
In größern Stücke leben:
Ich will samt aller Ehre Dir
Noch eine schöne Tochter geben.

Dem Herrn DOCTORANDEN schrieb
dieses mit einem herzlichem Glück-
Wunsch zu Seinem künftigen Ver-
gnügen

Christian Friederich Hunold/
dictus MENANTES.

MADRIGALE.

N El campo di Minerva
Palme raccogli omai, scettri, e corone;
Che giusto guiderdone
Il Ciel sempre riserva
A chi per l'altrui uita
Spende tanti sudor con alma ardita,
Hor se col graue incarco
Di tue fatiche pur giovane ancora
T'apri alla gloria il uarco,
Giust' è s'ogn'un t'onora
Mentre innesti trofei, fregi ed allori
Alla Patria, à Te stesso, ai Genitori.

*Hà dedicato queste umili espressioni del suo
affetto in segno della diuota seruitù
che professà al molto Illustre Signor
Liebezeit*

COSTANZO ANOME

Maestro della Lingua italiana nella Regia
Uniuersità di Hala,
per auer avuto l'onore d'informarlo
nella medema favella.

